


國立故宮博物院珍裝



清代起居注冊

咸豐朝


第二十一冊

國立故宮博物院珍藏

清代起居注冊

咸豐朝

第二十一冊



咸豐四年八月上……一二〇三九
咸豐四年八月下……一二一四一
咸豐四年九月上……一二二六一
咸豐四年九月下……一二三八九

清代起居注冊—咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT \$ 86,000.00

72·12·0650

89007121

清代起居注冊

咸豐朝第二十一冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六—二三一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

咸豐四年歲次甲寅八月初一日丁酉內閣
奉

諭旨崇文門正監督著花沙納去副監督著穆蔭
去是日吏部議覆直隸總督桂良題鉅鹿縣知
縣員缺請以平谷縣知縣汪福庚調補一疏
奉

諭旨汪福庚依議調補餘依議是日

奉

上以祭

社稷壇先期齋戒是日

起居注官阜保廣鳳周壽昌吳存義

初二日戊戌

上詣

社稷壇行禮

壽康宮請安是日內閣奉

諭旨廣西按察使著文格補授所遺湖南衡永郴
桂道員缺著李維醇補授山東沂州府知府員
缺著孫家良補授又奉

諭旨胡林翼著調補湖北按察使四川按察使著
文俊調補陝西按察使著林揚祖調補余炳燾
著補授河南按察使河南南汝光道員缺著邊
浴禮補授所遺河南歸德府知府員缺著_平榮

第補授又奉

諭旨桂良奏省局鼓鑄請借銅斤等語直隸寶直局現在鼓鑄大錢需銅孔亟著准其在於雲南委員蔡傳樞領運銅斤項下借撥銅十萬斤以資接濟一俟江蘇銅斤運到即行如數解京歸款該部知道又奉

諭旨勞崇光奏請暫留藩司並飭權道府各員速

赴新任等語廣西藩司升任太常寺卿吳鼎昌
著准其暫留廣西俟新任布政司胡興到任
後再行來京供職廣西桂平梧鬱道謝元淮左
江道張祥晉南甯府知府徐資乾思恩府知府
錢慶善柳州府知府郭超凡及新署平樂府知
府舒津均著該部飭令該員等速赴新任毋稍
遲延至廣西所屬各員如察有官聲才具堪勝

道府之任者並准該撫開單酌保數員以備簡放又奉

諭旨勞崇光奏剿辦永福遊匪生擒首要各犯出力之員升團勇等開單請獎一摺廣西潰散餘匪古三勝之妻謝氏及餘黨周亞勝等於六月十一日膽敢糾率匪黨千餘人由雞石灣擁出欲撲永福縣城該縣文武督率兵團扼守適署

遊擊王海清帶勇趕到排列河岸開礮殲賊數
名候補把總潘其泰督勇過河登岸陣斬偽先
鋒四名及匪黨多名匪衆披靡紛逃首匪劉亞
益竄走勇目黃起瓊奮勇追及矛刺該匪落馬
壯勇朱永嘉等趕到立同擒獲並生擒賊目龍
沅一名奪獲馬匹旗幟器械多件十二日復有
另股賊目周亞坪率黨會合十三日王海清督

同潘其泰帶勇過河行距賊巢數里周亞坪擁
衆迎敵勢甚披猖各勇奮力攻剿格斃偽先鋒
六名匪黨數十名餘匪怯退王海清策馬當先
追殲無算生擒梁亞養等十四名並將首匪周
亞坪生擒奪獲器械甚多餘匪不敢回巢向橋
頭四衛等處逃竄復經代理永福縣洪運昌派
令寨沙團總監生應華彩知會各團乘該匪不

備練丁四面合圍掩殺無數生擒刁金涼等七
十四名復追殺餘匪多名周亞坪因傷殞命就
地戮屍梟示劉亞益凌遲處死從犯八十九名
均審明處斬傳首示衆其在逃之古謝氏及周
亞勝在修仁縣桐木地方藏匿復經候補把總
黃清帶勇搜拏格斃匪黨二名並將該賊婦古
謝氏及周亞勝一併生擒解往荔浦行營正法

此次首匪劉亞益等以荔浦陽朔被剿竄散餘
匪意欲糾夥報仇往攻永福縣城經王海清潘
其泰帶勇進剿以少擊衆連獲大勝將首匪臨
陣生擒兼獲各從犯在事出力各員尚屬奮勉
廣西署提標前營遊擊王海清著以參將升用
並賞戴花翎候補把總潘其泰著免補把總以
千總儘先拔補並賞加守備銜壯勇黃超瓊朱

永嘉林上舉陳廣記陸士洪曾效忠韋如陵均
著以外委入營拔補並賞給六品翎頂兵丁唐
淑世著以外委拔補並賞給六品翎頂文童李
祥徵著以從九品歸部即選團總監生應華彩
著以縣丞歸部儘先選用並賞給六品頂帶團
首吳錦蘭著以外委入營拔補該部知道單併
發又奉

諭旨勞崇光奏請將剿捕游匪陣亡之署知府及
藉口養傷之護都司等分別議卹斥革一摺廣
西太平府屬龍州廳地方游匪滋擾經該署府
徐堉馳往剿辦並會同護龍憑營都司李景華
督率練勇殲匪多名該匪復擁衆至龍州對河
盤踞徐堉親督兵練開礮轟擊乘勝渡河突遇
伏賊刺倒坐馬徐堉躍起拔刀將該賊砍死旋

被刀矛攢戮殞命該員臨陣殺賊奮不顧身殊
堪憫惜徐埴著交部從優議卹李景華先用剿
匪受傷迨賊至藉口不出實屬溺職著即革職
仍勒令嚴拏首要各犯務獲儻再不知愧奮即
著從重治罪餘著照所議辦理是日

起居注官宗室煜綸清安沈炳垣畢道遠

初三日巳亥內閣奉

奉

諭旨春熙奏因病請假一摺春熙著賞假一箇月
調理塔爾巴哈台參贊大臣事務仍著英秀暫
行署理又奉

諭旨吉爾杭阿奏請將發遣副將緩解留營等語
已革江南太湖協副將劉長清著准其暫留上
海軍營一俟軍務告竣即行起解發遣毋許藉
詞逗留是日